

Պատմ. գիտ. բեկնածու Հ. Գ. ՄԱՐԳԱՐՅԱՆ

Կովկասագիտական գրականության մեջ խորեղմշակ գործունեությունը Անդրկովկասում մեկ անգամ չէ, որ գրավել է հետազոտողների ուշադրությունը՝ Սակայն նշելի է, որ ուսումնասիրությունը կատարվել է հիմնականում տեղական՝ հայկական և վրացական աղբյուրների հիման վրա և այդ պատճառով էլ հարցերի որոշակի՝ սկզբնաղբյուրների ընձեռած նյութով սահմանափակված շրջանակ է ընդգրկել։ Մյուս կողմից, գլխավոր հայկական ու վրացական աղբյուրները, ստեղծված լինելով ուսումնասիրվող ղեպքերից առնչվազն մի քանի տասնամյակ անց, ոչ միշտ են ստույգ տվյալներ ընձեռում առանցքային իրադարձությունների ընթացքն ու ժամանակագրությունը պարզելու համար։ Զալա ադ-Դինի արշավանքներն անհամեմատ ավելի լիակատար ու համակողմանի արտացոլում են գտել մասնավորապես արաբական ու պարսկական՝ քննվող ղեպքերին ժամանակակից աղբյուրներում, իբն ալ-

1 *სხ"ს ზ. შ'ანანყიანის, ბრძნობა, ზ. 7, ბრძნობა, 1977, № 198—205; ლ. მარჯაიანი, ჯაყათთან სივრცე-სივრცისა და გარეგანაკანს აკათმისქიონი XIII—XIV դარბიონი, ბრძნობა, 1964, № 183—193; «ჯაყა ქილიქიქი აკათმისქიონი», ზ. III, ბრძნობა, 1976, № 602—605; მ. ზაზიშვილი, ჯაყათთან სივრცისა და გარეგანაკანს აკათმისქიონი მონოქიქიქი აკათმისქიონი აკათმისქიონი და ჯაყა ქილიქიქი აკათმისქიონი, ჯაყა ქილიქიქი აკათმისქიონი, 1980, № 6, № 50—63; ივ. ჯაყათიშვილი, ქართველი ერის ისტორია, ტ. III, თბ., 1966, გვ. 46—76; თ. თაბატაძე, ჯაყათ ად-დინის მიერ საქართველოს დაპყრობის ისტორიიდან. «საისტორიო კრებული», VI, თბ., 1976, გვ. 31—49; ზ. ი. ჯაყათიშვილი, «საისტორიო კრებული», VII, თბ., 1977, გვ. 200—216; საქართველოს ისტორიის ნარკვევები, ტ. III, თბ., 1979, გვ. 538—546.*

Ասիլի (մահացել է 1233 թ.) բաղմահատոր «Պատմությունում»², Ջալալ ադ-Դինի քարտուղար, իրադարձությունների ականատես ու անմիջական մասնակից ան-Նասավիի երկում³, Աբդ ալ-Լաթիֆ ալ-Բաղդադիի՝ ականատեսներից քաղած գրառումներում⁴, Այս սկզբնաղբյուրները ոչ միայն աչքի են ընկնում համեմատաբար ճշգրիտ ժամանակագրությամբ, հանդամանորեն են պատկերում ռազմական գործողությունների ընթացքը, զորքերի տեղաշարժերի երթուղիները, այլև արտացոլում են ժամանակաշրջանի արտակարգ բարդ միջպետական հարաբերությունները, Ջալալ ադ-Դինի արտաքին ու ներքին քաղաքականությունը, նշանակալիորեն նյութատու են նաև Հայաստանում և Վերաստանում գոյություն ունեցող ներքին իրադրությունը ճիշտ ըմբռնելուն, տեղեկություններ են հաղորդում հայկական որոշ երկրամասերի ճակատագրի շուրջ և հաճախ ավելի հանդամանորեն են լուսաբանում խորհրդմցիների դեմ Անդրկովկասում ծավալված պայքարը։ Ջալալ ադ-Դինի արշավանքների պատմությանն անդրադառնալը անհրաժեշտ է պարզաբանելու համար ներքին կացությունը Հայաստանում և Վրաստանում՝ մոնղոլական վերահաս աղետի նախօրյակին, լուսաբանելով այն պատճառները, որ հնարավորություն տվեցին խորհրդմշահի անհամեմատ փոքրամիջ, պարենավորման ու համալրման առումով անհավասար պայմաններում գտնվող զորքերին հաղթող դուրս գալ Վնուկան ճակատամարտերում, տարիներ շարունակ գրեթե անպատիժ ավերել ու կողոպուտել ամենահեռավոր շրջանները, կարելի է բացահայտել և մոնղոլական նվաճումների նախահիմքերը։

Հայտնի է, որ մոնղոլական արշավանքների ծանրությունը առաջիններից մեկը կրեց խորհրդմշահների պետությունը։ Մինչ այդ ամբողջ Մերձավոր Արևելքում ամենահզոր իշխանավորներից մեկը համարվող խորհրդմշահ Մուհամեդը (1200—1220) անկարող եղավ կազմակերպված դիմադրություն ցույց տալու թշնամուն, դիմեց փախուստի և մահացավ Կասպից ծովի կղզիներից մեկում։ Նրա բաղմամբիվ որդիներից միայն Ջալալ ադ-Դինը ընդունակ դառնալ հիմադրավելու մոնղոլներին, սակայն նա էլ չկարողացավ կասեցնել թշնամու հարձակումը և հարկադրված փախավ Հնդկաստան։ Այստեղ նա կարճ ժամանակամիջոցում իր դեմ հանեց տեղական իշխողներին և ստիպված էր իր հետագա հույսերը կապել Իրանի, Պարսկական Իրաքի և Անդրկովկասի հետ։ Այդ տարածքները դեռևս միայն թեթևակիորեն էին ենթարկվել մոնղոլական ավերածություններին, հարուստ էին և բարեբեք, ունեին ռազմական կարողություն, սակայն միավորված չլինելով՝ ի վիճակի չէին լրջորեն դիմադրել խորհրդմշա-

² Տե՛ս «Материалы по истории Азербайджана из Тарих-ал-Қамиль (Полного свода истории) Ибн ал-Асир», Баку, 1940 (այսուհետև՝ Ибн ал-Асир)։

³ Տե՛ս Шихаб ад-Дин Мухаммад ан-Насави, Жизнеописание султана Джалал ад-Дина Манкбурны, Перевод с арабского, предисловие, комментарии, примечания и указатели З. М. Бунятова, Баку, 1973 (այսուհետև՝ ан-Насави)։

⁴ Այս արժեքավոր աղբյուրի վրա միայն վերջերս ուշադրություն հրավիրեց Կ. Կանեն՝ թարգմանաբար հրատարակելով որոշ հատվածներ. տե՛ս С. Cahen, 'Abdallatif al Baghdadi et les Khwārizmiens, „Iran and Islam, in memory of the late Vladimir Minorsky", Edinburgh University Press, 1971, p. 149—166։ Ալ-Բաղդադի (1162/3—1231/2) մոտիկ է գտնվել իրադարձությունների ծավալման վայրերին. 1228—29 թթ. նա, ճանապարհորդելով Երզնկայից Հալեպ, ճանապարհին այցելել է Կամախ, Տերիկ և Մալաթիա. տե՛ս Encyclopédie de l' Islam, Nouv. ed., t. 1, Leyde—Paris, 1960, p. 76։

Հին, Ջալալ ադ-Դինը հույս ունեւո նաև իր կողմը գրավելու որոշ երկրամասերի մահմեդական բնակչությանը՝ ներկայացնելով իրեն իբրև իսլամի զինվոր ու մուսուլմանների պաշտպան ընդդեմ քրիստոնյաների ու մոնղոլների: Միայն նոր տարածքների գրավումը և մի դրոշի ներքո համախմբումը, մոնղոլների դեմ հզոր միավորման ստեղծումը կարող էին հույսեր ներշնչել խորեզմշահին, որ նա ուժ կունենա հաղթելու թշնամուն և վերադարձնելու իր կորցրած թագավորությունը:

Իր ծրագրերի իրականացումը Անդրկովկասում խորեզմշահը սկսեց զինվանագիտական քայլերով: 1225 թ. հեշտությամբ գրավելով Ատրպատականը և վերջ տալով այնտեղ ելտուղյանների վերջին ներկայացուցիչ Ուզբեկի (1210—1225) իշխանությանը, Ջալալ ադ-Դինը հուլիս ամսին Մարաղայից ուղևորվեց դեմեց Իկոնիայի սուլթան Ալա ադ-Դին Քեյ-Կուբագին (1219—1237), Հյուսիսային Միջագետքի և Հարավային Հայաստանի որոշ մասերի տիրակալ ալ-Աշրաֆ Մուզաֆար ադ-Դին Մուսեին (1210—1237), Դամասկոսի տեր ալ-Մուադամ Շարաֆ ադ-Դին Իսեին (1218—1227) և Եգիպտոսի իշխող ալ-Քամիլ Մուհամադին (1218—1238): Ծանուցելով իր նվաճումների մասին և հայտադրելով իրեն մուսուլմանների պաշտպան, խորեզմշահը հավաստում էր իր բարեկամական մտադրությունները: Շատ շուտով, սակայն, ակնհայտ դարձավ, որ նա զինվանագիտական հարաբերություններ հաստատելու իր փորձերով ցանկանում էր ժամանակ շահել և ազատել ձեռքերը Հայաստան և Վրաստան արշավելու նպատակով:

Վրաստանի վրա հարձակվելու գաղափարը նոր չէր խորեզմշահների համար: Ըստ ան-Նասավիի, 1217 թ., երբ ելտուղյան աթաբեկ Ուզբեկն ընդունեց խորեզմշահ Մուհամեդի գերակայությունը, Մուհամեդը 50 հազարանոց զորք էր նախապատրաստում Վրաստան արշավելու մտադրությամբ: Ճիշտ է, այդ ձեռնարկումը ի կատար չածվեց, քանի որ մինչ այդ Բաղդադի վրա շարժվելիս խորեզմցիների զորքը մեծ կորուստներ կրեց և խորեզմշահը վերադարձավ հայրենիք, սակայն վրաց արքունիքը շտապեց նվերներ ուղարկել Մուհամեդին⁵ և մինչև 1222 թ., այսինքն՝ Մուհամեդի մահը և մոնղոլական առաջին արշավանքի ավարտը, փաստորեն որևէ հարձակում չձեռնարկվեց Ուզբեկի տիրույթների վրա: Մուհամեդի ծրագրերի մասին առավել ուշագրավ տեղեկություններ է հաղորդում ալ-Բաղդադին, պատմելով Թբիլիսին իր մայրաքաղաքը դարձնելու և «Խումի [սուլթանության], Հայաստանի, Ղազաղաց աշխարհի, արևելքի և արևմուտքի բոլոր երկրների վրա կառավարելու»⁶ խորեզմշահի մտադրությունների մասին:

Խորեզմցիների արշավանքի մասին ընդարձակ տեղեկություններ հաղորդող Կիրակոս Գանձակեցին հետևյալն է գրում 1225 թ. դեպքերի մասին. «Յառաջ ասացեալ ազգն հիսիսոյ արևելից, որ թաթարն անուանէր, ի նեղ էարկ զսուլտանն իտրասանայ զՋալալագինն, և եհար զզօրս նորա, և տապալեաց

⁵ Տե՛ս ան-Насави, стр. 155, 357—359.

⁶ Տե՛ս նույն տեղում, էջ 61:

⁷ Տե՛ս Ա. Շահնազարյան, նշվ. աշխ., էջ 50—51:

⁸ С. Саен, նշվ. աշխ., էջ 151: Ուստի անհավանական է ի. Պ. Պետրուշևսկու այն ենթադրությունը, թե Վրաստանի դեմ պատերազմի մեջ խորեզմշահին ներքաշել է նրա վեզիր Շարաֆ ալ-Մուլքը. տե՛ս И. П. Петрушевский, Вазир Шараф ал-Мульк, сб. «Ближний и Средний Восток», М., 1962, стр. 37:

ղաշխարհս նորա: Եւ հանին զնա փախստական ընդ 'աշխարհն Աղուանից. և եկն նա ի քաղաքն Գանձակ և առ զնա: Եւ կուտեաց իւր զօրս անթիւս ի սլարսից և ի տաճկաց և ի թուրքաց 'և եկն յաշխարհս Հայոց»⁹: Այսպիսով, ըստ Գանձակեցու, խորեղմցիները Հայաստան են ներխուժել Գանձակը զրավելուց հետո, Աղվանքի վրայով: Այլ աղբյուրների միահամուռ վկայությունները, սակայն, ստիպում են կասկածի տակ առնել նրա հաղորդման ճշգրտությունը և բուլտրովին տարբեր կերպ պատկերել Ջալալ ադ-Դինի զորքերի երթուղին: Վրաց ժամանակագրի վկայությամբ, խորեղմցիները նախ «...եկան հասան Ատրպատական՝ շուրջ հարյուր քառասուն հազար մարդ: [Ապա] հասան Երկայնաբազունների երկրին, որովհետև Դվինը պատկանում էր Իվանե աթաբեկին, իսկ Անին տվել էր իր եղբորորդի մանդատորթովսուցես Շանշին: Այս խորեղմցիք եկան Լաշա-Գեորգիի մահվան երրորդ տարին՝ զերեկու և ավերելու Դվինն ու նրա շրջակա երկրները»¹⁰: Վարդանի հաղորդմամբ ևս, խորեղմշահի հարվածը նախ հասել էր հայոց միջնաշխարհին. «Ընդ Աղլպարական երկրի յ յՈստանն հայոց, առնուն զնա և ընուն զղաշտն լայնատարած վրանօք»¹¹: Նույնն է վկայում և Ստեփանոս Օրբելյանը. «գայ (Ջալալ ադ-Դինը—Հ. Մ.) ընդ Պարսկաստան, և լանցեալ ընդ Ատրպատական մտանէ յաշխարհն Հայոց»¹²: Ուստի հայ-վրացական զորքերը փորձեցին կասեցնել թշնամու հարձակումը ոչ թե Գանձակ—Թբիլիսի ուղու վրա, ինչպես սպասելի կլիներ, եթե խորեղմշահը ներխուժեր Աղվանքից, այլ վճռական մարտի են ելել Գառնիում: Այս կարևորագույն ճակատամարտում հայ-վրացական բանակը հիմնականում ներքին հակասությունների ու տարածայնությունների պատճառով

⁹ Ե ի ռ ա կ ո ս Գ ա ն ձ ա կ ե ց ի, Պատմութիւն Հայոց, աշխատասիրությամբ Կ. Մելիք-Օհանջանյանի, Երևան, 1961, էջ 224:

¹⁰ «Վրաց ժամանակագրություն», թարգմանությունը հին վրացերենից, առաջարանը և ծանոթագրությունները Պարույր Մուրադյանի, Երևան, 1971, էջ 59:

¹¹ «Հաւաքումն Պատմութեան Վարդանայ վարդապետի», Վենետիկ, 1862, էջ 143: Մ. էմինը, հնարավոր է Կ. Գանձակեցու երկի ազդեցությամբ, հետևյալ կերպ է թարգմանել այս հատվածը. «Через Атерапатаканскую землю в столицу армянскую (Гандзак)» (В ардан Великий, Всеобщая история, пер. Н. Эмин, М., 1861, стр. 173), իսկ Բ. Պատկանյանը՝ «Через аделбараканскую область к армянской столице Гандзаку» (К. Патканов, История монголов по армянским источникам, вып. I, СПб., 1873, стр. 4): Որ «Ոստանն Հայոց»-ի ներքո Գանձակը պետք չէ հասկանալ, երևում է Հովսեփ Դովնցու վկայարանությունից. «Եւ Իբրե եկն ամիրայետն մեծ Աթապակ Կոչեցեալ ի յոստանն մեծ հայոց ի Դուին քաղաք» (Հ. Մ ա ն ա ն դ յ ա ն, Հ. Ա ճ ա ո յ ա ն, Հայոց նոր վկաները, Վաղարշապատ, 1903, էջ 55): Վարդան Արևելցին խոսում է խորեղմշահի երկու որդիների հարձակման մասին, քանի որ Հնդկաստանից վերադառնալուց հետո Իրաքում Ջալալ ադ-Դինին էր մրացել նրա եղբայր Ղիյաս ադ-Դինը (տե՛ս а н-Н а с а в и, стр. 142): Կիրակոս Գանձակեցու և Վարդան Արևելցու պատմությունների հիման վրա կազմված Անանուն Սեբաստացու ժամանակագրությունում (տե՛ս Վ. Հ ա կ ո բ յ ա ն, «Անանուն ժամանակագրության» աղբյուրների մասին կամ Վ. Արևելցու «Պատմութիւն տիեզերականի» համառոտ խմբագրությունը, ՀՍՍՀ ԳԱ «Տեղեկագիր» (հաս. գիտ.), 1949, № 7, էջ 51—62) իրադարձությունները հիմնովին խաթարված են ներկայացված. իբրե թե խորեղմշահի երկու որդիները իր երկրից հալածել են Խորասանի սուլթան Ջալալ ադ-Դինին, որն էլ արշավել է Հայաստան ու Վրաստան (տե՛ս «Մանր ժամանակագրություններ, XIII—XVIII դդ.», կազմեց Վ. Հակոբյան, հ. 2, Երևան, 1956, էջ 134, 137—138):

¹² Ս տ ե փ ա ն ո ս Օ Ր Բ Ե լ յ ա ն, Պատմութիւն նահանգին Սիսական, Թիֆլիս, 1910, էջ 399:

պարտություն կրեց, հետագա գործողություններում նախաձեռնությունը լիովին զիջելով Ջալալ ադ-Դինին:

Գառնիում հաղթանակ տանելուց հետո, սակայն, խորեզմշահը չշարունակեց առաջխաղացումը, այլ ավարառության նպատակով նախ գրավեց Դվինը¹³, իսկ այնուհետև անսպասելիորեն վերադարձավ Թավրիզ՝ լսելով, որ այնտեղ խռովություն է պատրաստվում իր դեմ¹⁴: Ըստ ան-Նասավիի, խորեզմշահը ավարառության նպատակով Հայաստանում և Վրաստանում թողեց իր բանակի աջ թևի ամիրաներին, որոնք երեք ամիս անպատակում էին այլևայլ երկրամասեր¹⁵: Թավրիզից¹⁶ սուլթանը ուղարկեց իր զորավարներից Ուր-խանին, որը գրավեց Գանձակը, Բայլականը և Շամքորը¹⁷: Ինքը՝ Ջալալ ադ-Դինը, դավադրությունը դաժանորեն ճնշելուց հետո մեկնեց խոյ¹⁸, իսկ այնուհետև կրկին ներխուժեց Հայաստան և Վրաստան¹⁹: խորեզմշահի այս երկրորդ հարձակումը նկատի ունի Վարդան Արևելցին, որը, Ջալալ ադ-Դինի Թավրիզ վերադառնալը արձանագրելուց հետո պատմում է. «Զկնի ամի միոյ գայ ընդ կողմն դաշտավայրացն Գազայ ի Տփիսիս»²⁰: Այս վկայության հիման վրա էլ արժեք է, որ Ջալալ ադ-Դինը Թբիլիսիի վրա է արշավել հարավ-արևելքից, Գանձակը գրավելուց հետո²¹: Սակայն պատմիչի հաղորդումը ճշգրտման կարիք է զգում, ինչպես ժամանակագրության, այնպես էլ խորեզմիցիների բանակի երթուղու առումով: Նա, թվագրելով իրադարձությունները «զկնի ամի միոյ»-ով, այսինքն՝ 1226 թ., հավանաբար, ելակետ է ունեցել Թբիլիսիի գը-

13 Հ. Մանսիդյանի (տե՛ս նշվ. աշխ., էջ 199) և Լ. Բաբայանի (տե՛ս նշվ. աշխ., էջ 184, հմմտ. «Հայ ժողովրդի պատմություն», հ. III, էջ 604) կարծիքով, Դվինը գրավվել է մինչև Գառնիի ճակատամարտը, սակայն, ըստ ան-Նասավիի (տե՛ս а н-Насави, стр. 159), քաղաքի գրավումը իրականում հաջորդել է ճակատամարտին: Միևայլու Ասորու ժամանակագրության շարունակողի վկայությամբ, Դվինի մահմեդականները սկսել են քրիստոնյաների կոտորածը՝ Գառնիի կովի ելքի լուրն առնելուն պես (տե՛ս Մ ի խ ա յ ե լ Ա ս ո Ր ի, ժամանակագրություն, Նրուսադեմ, 1870, էջ 529): Ան-Նասավին նշում է, սակայն, որ քաղաքը գրավվել է գրոհով, որոշ ժամանակվա պաշարումից հետո: Ինչպես երևում է, Դվինը կամավոր չի հանձնվել թշնամուն, և խորեզմշահը այն նվաճել է քաղաքի բնակիչների մահմեդական մասի աջակցությամբ շնորհիվ:

14 Տե՛ս И б и а л-Асир, стр. 157—158: Ըստ ան-Նասավիի, դավադիր համարվողները իրականում անմեղ են եղել (տե՛ս а н-Насави, стр. 160—162):

15 Տե՛ս а н-Насави, стр. 160—161, հմմտ. «Վրաց ժամանակագրություն», էջ 60—61:

16 Ջալալ ադ-Դինի վերադարձը Թավրիզ նշում է և Վրաց ժամանակագիրը, տե՛ս «Վրաց ժամանակագրություն», էջ 61:

17 Տե՛ս а н-Насави, стр. 163. Կ. Գանձակեցին՝ Գանձակի (տե՛ս էջ 224), իսկ Վրաց ժամանակագիրը՝ նաև Շամքորի (տե՛ս «Վրաց ժամանակագրություն», էջ 62) գրավումը վերադրում են անձամբ Ջալալ ադ-Դինին, որ ստույգ չէ:

18 Տե՛ս а н-Насави, стр. 164.

19 Լ. Բաբայանը Ջալալ ադ-Դինի վերադարձի շարժառիթ է համարում այն, որ խորեզմշահի «Թավրիզում եղած ժամանակ Երեթ-ալ-Մուլքը դավադրություն է նախապատրաստում նրա դեմ» (նշվ. աշխ., էջ 187): Այս կարծիքը ամենին չի հաստատվում սկզբնաղբյուրներով. ուսումնասիրողը, առանց որևէ հիմքի, 1225 թ. է տեղափոխել Շարաֆ ալ-Մուլքի գործունեության 1230—1231 թթ. շրջանը:

20 «Հաւաքումն Պատմութեան Վարդանայ վարդապետի», էջ 143:

21 Տե՛ս Հ. Մանսիդյան, նշվ. աշխ., էջ 200: Իվ. Ջավախիշվիլին թեև նշում է, որ Ջալալ ադ-Դինը Թբիլիսիի վրա է շարժվել հարավից, նկատի ունի ոչ թե Արարատյան դաշտ—Փամբակի լեռնաշղթա—Թբիլիսի իրական երթուղին, այլ հարավ-արևելյան՝ Աղվանքից Գաղի վրայով Թբիլիսի տանող ուղին (օ Ր. Ջ օ Յ օ ն օ Յ օ լ օ, նշվ. աշխ., էջ 57):

րավման ժամանակը (1226 թ. մարտի 9), թեև խորեզմյանների առաջխաղացումը սկսվել էր 1225 թ. վերջին²², երբ խորեզմշահը հասավ Արաքսին, պարսկացի, որ նրա բանակում գտնվող Շավվա Ախալցխեցին, որը դերի էր ընկել Կառնիի ճակատամարտում, փորձել է նամակներով տեղեկացնել հայրենակիցներին խորեզմյանների մոտալուտ հարձակման մասին։ Շավվայի նկատմամբ հաշվհարդար տեսնելուց հետո Զալալ ադ-Դինը շարունակեց հարձակումը հարավից՝ Արաքսյան գաղտով, և անցնելով Փամբակի լեռնաշղթան ու շրջանցելով Լոռե, Արիաբադ ամրոցները շարժվեց Թբիլիսի վրա²³։

Խորեզմշահի կողմից քաղաքի դրավման պատմությունը, որ հանգամանորեն շարադրված է այլևայլ աղբյուրներում, ընդհանուր դժերով այսպես է ներկայանում։ Զալալ ադ-Դինը չի կարողացել դրոշով դրավել քաղաքը և, ըստ ան-Նասավիի՝ և Իբն ալ-Ասիրի, դիմել է ռազմական խորամանկության։ Նա, հաջողության չհասնելով, ցույց է տվել, թե նահանջում է, սակայն փախուստ տալով ու քաղաքի պաշտպաններին հետապնդելու հնարավորություն ընձեռելով, խորեզմյանները այնուհետև հանկարծակի հարձակում են դրժել և հակառակորդի շփոթությունից օգտվելով ներխուժել են քաղաք²⁴։ Թվում է, այդ ռազմական հնարքի նախնական փուլի արդյունքն է ակնարկում Վրաց ժամանակագիրը, երբ խոսում է «վրացիների փայլուն հաղթանակի» մասին և քաղաքի դրավման դրժումը վճռական դեր է վերագրում Թբիլիսիի մահմեդական բնակիչների օգնությանը²⁵։ Իբն ալ-Ասիրի և ան-Նասավիի կողմից շրջանցվող²⁶ և հայկական աղբյուրներում²⁷ շեշտվող այդ փաստը խոստովանում է նաև ականատեսի ցուցումները շաքարդրող ալ-Բադդադին²⁸, անուսուրկելի դարձնելով այն կարծիքը, որ Զալալ ադ-Դինը տեր է դարձել Թբիլիսիին մահմեդական քաղաքացիների օժանդակության շնորհիվ միայն։ Ալ-Բադդադիի և Իբն ալ-Ասիրի տեղեկություններից երևում է, որ, չնայած դրան, խո-

²² Տե՛ս Ибн а-л-Асир, стр. 159; ан-Насави, стр. 167. Զ. Բուլը, նշելով 1225 թ. դեպքերի ժամանակագրության կասկածելի լինելը ան-Նասավիի երկում, հավանական է համարում, որ ռազմական գործողությունները սկսվել են 1225 թ. ձմռանը, ինչպես որ վկայում է Իբն ալ-Ասիրը (տե՛ս «The Cambridge History of Iran», vol. 5, Cambridge, 1968 p. 327—328)։

²³ Տե՛ս Բ. յօճեօճյ. Ջալլեբնի լեռնաշղթան Ֆրանկներին, տ՝. 1974, թ. 31 (այսուհետև՝ Ջալլեբնի)։ Рашид ад-Дин, Сборник летописей, т. 1, кн. 2, М.—Л., 1952, стр. 243. Լոռեի պաշտպանները խորեզմյանների գերիներին ազատ արձակելով, խուսափեցին գրավումից նաև 1229 թ. (տե՛ս ан-Насави, стр. 225), ուստի ճիշտ չէ, որ «խավարեզմյան հորդանները գրավում են Գանձակը, Լոռին, Տփլիսը» (Լ. Բաբայան, նշվ. աշխ., էջ 186, հմմտ. «Հայ ժողովրդի պատմություն», էջ 604)։ Ըստ Իբն ալ-Ասիրի (էջ 159), Թբիլիսիի ճանապարհին տեղի է ունեցել ևս մեկ բախում վրացական զորքերի հետ, որոնք ուժեղացված են եղել ալաններով, լեզգիներով, ղազաղներով ու այլ հարևան ժողովուրդներով։ Զ. Բուլը կարծում է, որ պատմիչը, թերևս, սխալվել է և նկատի է ունեցել Մինգոթիի ճակատամարտը (տե՛ս «The Cambridge History of Iran», p. 328)։

²⁴ Տե՛ս ан-Насави, стр. 167—168; Ибн а-л-Асир, стр. 159—160.

²⁵ Տե՛ս «Վրաց ժամանակագրություն», էջ 64։

²⁶ Տե՛ս ан-Насави, стр. 167—168. Իբն ալ-Ասիրը միայն ակնարկում է այդ փաստը, պատմելով, որ խորեզմյանների ներխուժման ժամանակ Թբիլիսիի մահմեդականները գոռացել են իրենց կողմը (տե՛ս Ибн а-л-Асир, стр. 159)։

²⁷ Տե՛ս Կիրակոս Գանձակեցի, էջ 226։ Միխայել Ասորի, էջ 530։

²⁸ Տե՛ս С. Cahen, նշվ. աշխ., էջ 159։

րեղմցիները վարսագություններ են գործել անգամ մահմեդականների նկատմամբ, թեև հիմնականում տուժել են վրացիները, հայերը և հրեաները²⁹։

Գրավումից հետո Թբիլիսիում հաստատվեց Ջալալ ադ-Դինի վեզիր Շարաֆ ալ-Մուլըը, շարունակելով շրջակա երկրամասերի ավերումը³⁰, իսկ խորեզմշահը, 1226 թ. մայիսի վերջին—հունիսին³¹ ստանալով իր կողմից Քնրմանում թողնված Բարախ հաջիբի ապստամբության լուրը, մեկնեց այնտեղ։ Անցնելով Թբիլիսի—Քերման տարածությունը ընդամենը 17 օրում³², Ջալալ ադ-Դինը չկարողացավ հնազանդության բերել Բարախին և օգոստոսի վերջին—սեպտեմբերին³³ վերադառնալով Թբիլիսի՝ նոր ասպատակություններ ձեռնարկեց տարբեր ուղղություններով³⁴։ Այժմ, երբ վրացական թագավորությունը պարտության էր մատնված, նրա գլխավոր խնդիրը դարձավ իսլաթի նվաճումը, սակայն իր մտադրությունները քողարկելու համար խորեզմշահը նախ պաշարեց Անին, իսկ նրա ուղարկած զորաջոկատը՝ Կարսը³⁵։ Արդյունքի չհասնելով, Ջալալ ադ-Դինը շավալ ամսվա սկզբին (1226 թ. սեպտեմբերի 25—հոկտեմբերի 23) վերադարձավ Թբիլիսի, տասնօրյա ասպատակության մեկնեց Արևմտյան Վրաստան և ապա անակնկալ հարձակում ձեռնարկեց իսլաթի վրա³⁶։ Քաղաքի վրա այս առաջին հարձակումը և պաշարումը սկսվեց, ըստ Իբն ալ-Ասիրի, 1226 թ. նոյեմբերի 7-ին և շարունակվեց մինչև դեկտեմբերի 15-ը, հաջողություն չբերելով խորեզմշահին³⁷։

Դադարեցնելով իսլաթի պաշարումը, խորեզմշահը պատժողական արշավանք ձեռնարկեց Իվաջի թուրքական ցեղի դեմ, որը սպառնում էր Թավրիդին³⁸։ Այս ձեռնարկումից հետո, որը ի դեպ բավական ժամանակ էր խլել Ջալալ ադ-Դինից, նա շարժվեց իսմայիլիտ աղանդավորների դեմ, որոնց ֆիդայիները Գանձակում սպանել էին Ուր-խանին³⁹։ Իսմայիլիտների դեմ արշավանքից հետո, Ջալալ ադ-Դինը 1228 թ. օգոստոսի 25-ին Իսպահանի մոտ ճակատամարտ տվեց մոնղոլների դեմ, միայն շատ ծանր կորուստների գնով հասնելով հաղթանակի⁴⁰։ Այսպիսով, ավելի քան մեկ տարի խորեզմշահը հենուցե էր Հայաստանից ու Վրաստանից, հնարավորություն չնձեռնելով խորեզմական կայսրների դեմ պայքարի ծավալման համար։ Հենց այս ժամանա-

29 Տե՛ս Կիրակոս Գանձակեցի, էջ 226։ Միխայել Ասիրի, էջ 530։ «Վրաց ժամանակագրություն», էջ 64—65։

30 Տե՛ս ан-Насави, стр. 169. Հմմտ. «Վրաց ժամանակագրություն», էջ 66։ «Արաբական աղբյուրները Հայաստանի և հարևան երկրների մասին», կազմեց՝ Հ. Նալբանդյան, Երևան, 1965, էջ 43, 230։

31 Տե՛ս ан-Насави, стр. 370, прим. 4.

32 Տե՛ս Э. Э. 329—330, 33. 32։ «The Cambridge History of Iran», p. 329։

33 Տե՛ս Ибн ал-Асир, стр. 162.

34 Տե՛ս ан-Насави, стр. 171.

35 Տե՛ս Ибн ал-Асир, стр. 162.

36 Տե՛ս նույն տեղում։ Ըստ պատմիչի, քաղաքի պաշտպանները, այնուամենայնիվ, տեղյակ էին դարձել սպասվող հարձակմանը։

37 Տե՛ս նույն տեղում, էջ 163, Հմմտ. «Մանր ժամանակագրություններ, XIII—XVIII դդ.», հ. 1, Երևան, 1951, էջ 40։

38 Տե՛ս Ибн ал-Асир, стр. 163—164, ан-Насави, стр. 172.

39 Տե՛ս Կիրակոս Գանձակեցի, էջ 226—227։ Ан-Насави, стр. 178—179.

40 Տե՛ս «The Cambridge History of Iran», p. 329—330։

տակում են հայերին և ղփչաղներին⁴⁷, իսկ ան-Նասավին նշում է հավաքված զորքերի թիվը՝ շուրջ 40 հազար⁴⁸։ Ճակատամարտը տեղի ունեցավ, ըստ Վրաց ժամանակագրի, Բոլնիսի մոտ⁴⁹, Ջուվեյնի և Ռաշիդ ադ-Դինի ճշգրտմամբ՝ Մինդորի կոչված վայրում⁵⁰։

Ռուսուդան թագուհու և Ջալալ ադ-Դինի զորքերի այս բախման ժամանակի հարցը գրեթե չի արժարժվել կովկասագիտական գրականության մեջ։ «Վրաստանի պատմության ակնարկներում» այս կարևոր իրադարձությունը թվագրելու փորձ չի արվում⁵¹, իսկ Իվ. Ջավախիշվիլին առաջադրում է 1227—1228 թթ.⁵²։ Ան-Նասավիի վկայությունների քննությունը, սակայն, ցույց է տալիս, որ Մինդորի ճակատամարտը տեղի է ունեցել խորեզմշահի Ադրբեյջանի ձմեռելու մեկնելուց (1228 թ.) հետո և 1229 թ. ամռանը՝ Խլաթի պաշարելուց առաջ⁵³, հետևաբար 1229 թ. գարնանը։

Կովի սկզբում Ջալալ ադ-Դինը կարողացավ իր կողմը գրավել ղփչաղական 20 հազարանոց ջոկատը, որը հրաժարվեց մարտնչել խորեզմցիների դեմ⁵⁴, իսկ մնացած բանակը ի վիճակի չեղավ հաջողության հասնել, ուստի, այս անգամ ևս, «հաղթվեցին թագավորական զորքերը և խորեզմցիների կողմից փախուստի մատնվեցին»⁵⁵։ Հաղթանակից հետո Ջալալ ադ-Դինը պաշարեց Լոռեն և դերի ընկած խորեզմցիներին ազատելուց հետո շարժվեց Վահրամ Գագեցու տիրույթների վրա։ Ճանապարհին նա նախ գրավեց Շաքան բերդը, ապա ավերեց Իվանե ավազանի քույր Թամթային⁵⁶ պատկանող Ալիաբադ ամրոցը, այնուհետև, անհիմնելի դրույթան մեջ դնելով բերդապահներին՝ մեծ դամարներ կորցրեց Գագ և Գավազին բերդերի պաշտպաններից⁵⁷։ Եթե նկատի ունենանք, որ միայն վերջին երկու ամրոցների պաշարումը տևել էր երեք ամիս, ապա պարզ կդառնա, թե ինչու միայն 1229 թ. ամռանը խորեզմշահը կարող էր ձենարկել իր գործունեության մեջ ամենաերկարատև և ըստ ամենայնի բեկումնային գործողությունը՝ Խլաթի երկրորդ պաշարումը։ Քաղաքը

47 Տե՛ս ՋՊՅԳԵՕ, թ. 35, Рашид ад-Дин, Сборник летописей, т. II, М.—Л., 1960, стр. 28.

48 Տե՛ս ան-Насави, стр. 224.

49 Տե՛ս «Վրաց ժամանակագրություն», էջ 70։

50 Ջուվեյնի (էջ 35) և Ռաշիդ ադ-Դինը (էջ 28) աղավաղումով են ներկայացնում վրացերեն «դաշա» նշանակող բառը։ Ի. Կիկնաձեն վրացական փաստաթղթերի հիման վրա ցույց է տալիս այդ միկրոտեղանվան իրական լինելը հենց Բոլնիսի շրջակա տարածքում (ՋՊՅԳԵՕ, թ. 71—72, ՅճԵ. 76)։

51 Տե՛ս Նաթորտցու ռեզումեի ճանապարհ, թ. 544.

52 Տե՛ս Թ. Ջաջոնիշվիլի, նշվ. աշխ., էջ 328։ Թ. Փարցվանիան ավելի կոնկրետ թվական է նշում՝ 1228 (տե՛ս Թ. Ջաջոնիշվիլի, Ջաջոնիշվիլի, թ. 45).

53 Տե՛ս ան-Насави, стр. 216—230.

54 Տե՛ս ՋՊՅԳԵՕ, թ. 36, Рашид ад-Дин, II, стр. 28.

55 «Վրաց ժամանակագրություն», էջ 70, հմտ. ան-Насави, стр. 224—225. Рашид ад-Дин, II, стр. 28. ՋՊՅԳԵՕ, թ. 36։

56 Թեև ան-Նասավին չի մատնացուցում Թամթայի տեղը Ջաքարյանների տոհմաձուռմ, հիշատակելով նրան սոսկ իբրև «մալիք», սակայն քանի որ Իվանեի՝ այդ անունը կրող դուստրը այդ ժամանակ Խլաթում էր, պետք է ենթադրել, որ պատմիչը նկատի է ունեցել հայկական արքայներից հայտնի Իվանեի քույր Թամթային։

57 Տե՛ս ան-Насави, стр. 226.

ուժ կամ տասը ամսվա հյուծիչ շրջափակումից հետո դրավվեց⁵⁸, սակայն ծայրաստիճան սրվեցին հակասությունները ինչպես իսլամի տեր Մեկիբ Աշ-րաֆի, այնպես էլ իկոնիայի սուլթան Քեյ-Կուբադի հետ: Խորեզմշահի բախումը Քեյ-Կուբադի և էյուբյանների միացյալ զորաբանակի հետ 1230 թ. օգոստոսի 10-ին Յասսի Չիմանում⁵⁹, Երզնկայի մոտ, ավարտվեց Ջալալ ադ-Դինի պարտությունով⁶⁰, որից նա ալղպես էլ չկարողացավ ուշքի գալ, Խորեզմշահը

58 Հստ Ջոսլենի, բաղադրված է 1230 թ. ապրիլի 15-ին (տե՛ս а н-Насави, стр. 402—403, прим. 8), իսկ Իրն ալ-Ասիրի տեղեկությունների համաձայն՝ 1230 թ. մարտի վերջին (էջ 168): Այս թվագրումները երկուստեք համարելով փոքր ենք ետադարձ հաշվարկ կատարել: Եթե հավաստի է Ջոսլենի հաղորդումը՝ պաշարման տևողությունը 8 ամիս լինելու վերաբերյալ, ապա պաշարումը սկսվել է 1229 թ. օգոստոսին, իսկ եթե ավելի ստույգ է հայկական աղբյուրների վկայած 10 ամիսը (տե՛ս Սամվել Անեցի, էջ 149—150), ավելի շուտ՝ հունիսին: Բարայանը (տե՛ս նշվ. աղյ., էջ 187) և Զ. Բունիաթովը (տե՛ս а н-Насави, стр. 401, прим. 1) իսլամի պաշարման տևողությունը դնում են 1,5 տարի, բայց, ինչպես տեսանք, խորեզմշահը մինչև 1229 թ. ամառը դրաված էր այլ ձեռնարկումներով:

59 Այս վայրը (բառացի նշանակում է «ընդարձակ մարդագետին») գտնվում է Քոսեղադ լեռան մոտ, որ 1243 թ. տեղի ունեցավ վճռական ճակատամարտ իկոնիայի սուլթանության և մոնղոլների միջև (տե՛ս С. Cahen, նշվ. աղյ., էջ 165, ծան. 36): Պետք է ենթադրել, որ տեղանվան «Չիման» բաղադրվելը առկա է Կիրակոս Գանձակեցու հիշատակած «Չմանկատուկ»-ում, որով և հասկանալի է դառնում, թե ինչու է հայ պատմիչը Քոսեղադի ճակատամարտը տեղի ունեցած համարում Չմանկատուկ զուլաքաղաքի մոտ (տե՛ս Կիրակոս Գանձակեցի, էջ 282): Յասսի Չիմանի ճակատամարտը նաև հայ ժամանակագրություններում է հիշատակվում (տե՛ս «Մանր ժամանակագրություններ», հ. 1, էջ 105: Սամվել Անեցի, էջ 149—150): Ի դեպ, հրատարակությունում և թարգմանություններում վերջին աղբյուրի բնագիրը մեծապես աղավաղված է. «Ալադին սուլտանն և Աշրաֆն մարտեան ընդ նոսա, և կոտորեաց զնոսա յոյժ և Սուլման ամիրայն՝ որ առաջնորդ էր Խորազմին՝ կայան և սպանին»: Բնագիրը ավելի ճիշտ է պահպանվել Երուսաղեմի Ս. Հակոբյանց վանքի № 343 ձեռագրում, որը Սամվել Անեցու երկի շարունակություններից մեկն է. «Յալատին սուլտանն և Աշրաֆն կոտորեցին զնայ նասսիլիմանն և զԿաբոնյ փաղափն առին և զմելին, որ առաջնորդ էր Խորազմին, կայան և սպանին» (տե՛ս Գ. Հովսեփյան, Հիշատակարանք ձեռագրաց, Անթիլիաս, 1951, էջ 525—526. դարձանալի է, որ Գ. Հովսեփյանը այս ձեռագիրն է համարում խաթարված): Վաղարշապատյան հրատարակությունում ոչ միայն հաղթող է ներկայացված խորեզմշահը, այլև գոյություն չունեցող «Սուլման ամիրայ» է ստեղծված: Շիրթուլունը առաջացել է «Սասսի չիման» տեղանունը անձնանուն ընկալվելու և Կարինի տեր, Ռուբն ադ-Դինի, որը իրոք օգնում էր Ջալալ ադ-Դինին (տե՛ս а н-Насави, стр. 232—234, 254—255), «մեկիբ» տիտղոսը (տե՛ս «The Encyclopaedia of Islam», New ed., vol. II, Leiden—London, 1965, p. 712) «ամիրա»-ով փոխարինելու միջոցով: Քոսեղադ—Չմանկատուկ—Յասսի Չիման կապը հաստատում է Մխիթար Այրիվանցին, որ 1243 թ. ճակատամարտի մասին գրում է. «Եհար Թաթարն զՀոռոմոց սուլտանն յԱսուլմանն (Մխիթար Այրիվանցի, էջ 67): Ք. Պատկանյանը խնդրո առարկա տեղանունը անձնանուն է ընկալել. «Татары разбили Румского султана, Асучмана» (Мхитар Айриванский, Хронологическая история, перевод с армянского с предисловием и примечаниями К. Патканова, СПб., 1869, стр. 415, отд. оттиск):

60 Տե՛ս а н-Насави, стр. 256—257. Ибн ал-Асир, стр. 169—170. Рашид ад-Дин, II, стр. 29. С. Cahen, նշվ. աղյ., էջ 156—157, ԽՊՅԳԾԾ, 33, 41. «Արաբական աղբյուրները Հայաստանի և հարևան երկրների մասին», էջ 232: Կիրակոս Գանձակեցի, էջ 228—229: Հստ հայ պատմիչի, խորեզմշահի հակառակորդ բանակում կային օգնական զորամասեր Կիլիկիայի հայկական թագավորությունից և խաչակիրներից: 1230 թ. հայկական հիշատակարաններից մեկում օգոստոսի 25-ով թվագրվող գրառումում խոսվում է սպասվելիք ճակատամարտի մասին, առանց տեղյակ լինելու, որ այն արդեն տեղի է ունեցել (տե՛ս Գ. Հովսեփյան, Հիշատակարանք ձեռագրաց, էջ 872):

այլևս չդիմեց որևէ լուրջ հարձակողական գործունեության և այնուհետև ստիպված էր հողալ սոսկ սեփական անձի փրկության մասին: Ճակատամարտի վայրից նա նախ մեկնեց հլաթ, ապա հույ և այդ ժամանակ էլ լսեց, որ մոնղոլները Չարմաղանի գլխավորությամբ անցել են Ամու Դարյա գետը և շարժվում են իր դեմ⁶¹: Սարսափահար Ջալալ ադ-Դինը, դիմադրելու փորձ իսկ չանելով փախավ Բիշքին, ապա Մուղան, իսկ այնտեղից, լսելով մոնղոլների մոտենալը, հեռացավ Կապան⁶²: Ջալալ ադ-Դինի վերադարձը Հայաստան այս անգամ չէր հետապնդում կողոպտիկ և թալանի նպատակ. խորհրդաճաճ սոսկ ցանկանում էր կորցնել իր հետքերը՝ մոնղոլներին խաբելու համար, որը և նրան հաջողվեց: Մոնղոլական առաջապահ ջոկատը դատարկ ու ավեր գտնելով խորհրդաճաճի իջևանավայրը՝ վերադարձավ Չարմաղանի մոտ, և Ջալալ ադ-Դինը հնարավորություն ստացավ ձմեռն անցկացնել Ուրմիայում և Ուշնիայում⁶³, 1231 թ. սկզբին, սակայն, մոնղոլները նոր եռանդով վերսկսեցին թշնամու հետապնդումը: Նրանց հանկարծակի հարձակմանը ենթարկված Ջալալ ադ-Դինը թեև կարողացավ մի կերպ կենդանի դուրս պրծնել, այնուամենայնիվ շուտով իր մահը գտավ Ամիդի մոտակայքում, սպանվելով տեղացի քրդերի ձեռքով⁶⁴:

Խորհրդաճաճի մահով, սակայն, Մերձավոր Արևելքում ամենևին էլ չվերականգնվեց նախկին վիճակը: Խորհրդացիների արշավանքները կարճ ժամանակամիջոցում զգալի տեղաշարժեց իրեն առաջ բերել նաև Անդրկովկասի քաղաքական իրադրության մեջ՝ ստեղծելով ուժերի նոր հարաբերակցություն արտաքին ասպարեզում: XIII դարի 30-ական թթ. ստեղծված քաղաքական կացությունը, Հայաստանի և Վրաստանի վիճակը մոնղոլական գլխավոր արշավանքին անմիջականորեն նախորդող տարիներին, հայկական հողերի ազատագրման գրեթե դադարեցումը բավարար լուսաբանության չի արժանացել

61 Տե՛ս ան-Насави, стр. 268—269. С. Саһеи, նշվ. աշխ., էջ 156—157, ՋՅԾԳՕԵՐ, ԽՅ. 41, Рашид ад-Дин, II, стр. 30. Ибн ал-Асир, стр. 171—172: Այսպիսով մոնղոլները Իրան են ներխուժել ոչ թե 1227 թ., ինչպես կարծում է Հ. Մանանդյանը (տե՛ս նշվ. աշխ., էջ 204), կամ 1229 թ. (հիմնվելով Խոնդեմիրի XV դարով թվագրվող վկայությունների վրա, Հ. Մանանդյանի առաջարկած տարեթիվը այսպես է սրբագրում Լ. Բաբայանը, տե՛ս նշվ. աշխ., էջ 189), այլ 1230 թ.:

62 Տե՛ս ՋՅԾԳՕԵՐ, ԾՅ. 42. Рашид ад-Дин, II, стр. 30. Հմմտ. Կիրակոս Գանձակեցի, էջ 230: «Հաւաքումն Պատմութեան Վարդանայ վարդապետի», էջ 144:

63 Տե՛ս ՋՅԾԳՕԵՐ, ԾՅ. 42. Рашид ад-Дин, II, стр. 30.

64 Տե՛ս ան-Насави, стр. 295—296. ՋՅԾԳՕԵՐ, ԾՅ. 43—44. Рашид ад-Дин, стр. 31. Կիրակոս Գանձակեցի, էջ 230: «Հաւաքումն Պատմութեան Վարդանայ վարդապետի», էջ 144: «Արաբական աղբյուրները Հայաստանի և հարևան երկրների մասին», էջ 233—234: «Վրաց ժամանակագրություն», էջ 71—72: Ջալալ ադ-Դինի մահից հետո խորհրդացիները ծառայության մտան Մերձավոր Արևելքի զանազան իշխողների մոտ՝ կովելով խաչակիրների, իրենց հովանավորողների հակառակորդների, երբեմն էլ հենց իրենց նախկին տերերի դեմ (տե՛ս «A History of the Crusades», General editor K. M. Setton, vol. II, The University of Wisconsin Press, 1969, p. 489, 561—564, 673—674, 708—710): Այդ անցուղարձերից մի միջադեպ արձանագրված է նաև հայկական սկզբնաղբյուրներում. «ՌՄԽԴ (1244) Հալպցին զհորազմ կոտորեաց» (Սամվել Անեցի, էջ 150, տողատակ): Ինչպես երևում է, հայ հեղինակը նկատի է ունեցել խորհրդացիների ջախջախիչ պարտությունը Հալեպի տիրակալի և նրա զաշնակիցների միացյալ բանակից Հիմսի մոտ 1246 թ. (տե՛ս վերոհիշյալ անգլերեն աշխատությունը):

մասնագիտական դրականության մեջ, այդ պատճառով էլ առանց բացատրության են մնացել որոշ կարևոր իրողություններ:

Խորեյմցիները, թուլացնելով վրացական թագավորության ռալմական հզորությունը, հնարավորություն ընձեռեցին Քեյ-Կուբադի օրոք իր հզորության դադաթնակետին հասած Իկոնիայի սուլթանությանը վերսկսել սելջուկ թյուրքերի առաջխաղացումը Հյուսիս-արևմտյան Հայաստան, որ դարասկզբին ընդհատվել էր Բասինի ճակատամարտում Ռուքն ադ-Դինի ջախջախումով: Խորեյմզահի արշավանքների միջոցին (1228 թ.) Քեյ-Կուբադը անմիջականորեն իր տիրույթների մեջ մտցրեց մինչև այդ նրա ստորականներին պատկանող Նրզնկան և Կամախը⁶⁵, իսկ Յասսի Ջիմանի ճակատամարտից հետո մահապատժի ենթարկելով Ջալալ ադ-Դինին օգնող իր հորեղբորորդի Ռուքն ադ-Դին Ջահան-շահ իբն Տուղրիլ-շահին՝ նրա ժառանգներից խլեց և Կարինը⁶⁶: Շուտով Իկոնիայի սուլթանությունը դգայի հաջողությունների հասավ Վրաստանի և էյուբյանների նկատմամբ: 1232—1233 թթ. Քեյ-Կուբադը գրավեց Խլաթը⁶⁷, իսկ Վրաստանից նվաճեց բազմաթիվ սահմանամերձ բերդեր: Թեև Ռուսուդան թագուհուն հաջողվեց զիջումների ճանապարհով հաշտություն կնքել և համաձայնություն ձեռք բերել թագաժառանգ Ալյաս ադ-Դինի և Ռուսուդանի դուստր Թամարի ամուսնության վերաբերյալ⁶⁸, ակներև է, որ Իկոնիայի սելջուկների ճնշումը շարունակվում էր ընդհուպ մինչև մոնղոլների արշավանքը Փոքր Ասիա (1243 թ.)⁶⁹: Իկոնիայի սուլթանությունը կարողացավ նաև նեղ վիճակի մեջ դնել իր մյուս հզոր հարևանին՝ էյուբյանների իշխանությունների միությանը: Բացի Խլաթից, Հարավային Հայաստանում և Հյուսիսային Միջագետ-

65 Sht. EI, New ed., vol. II, p. 711, հմտ. «Մանր ժամանակագրություններ», հ. 2, էջ 139: Ս մ բ ա տ Ս պ ա ռ ա պ ե տ, Պատմություն, Մոսկվա, 1856, էջ 109: «Մանր ժամանակագրություններ» «ՈՂԵ» թվագրումը (1226) կարիք է դրում սրբագրման «ՈՂԵ»-ի (1228), քանի որ օտար աղբյուրների համեմատությամբ նկատվող 2 տարվա տարբերությունը ծագել է «ե»—«է» տառերի շփոթության պատճառով:

66 Հ. Մանանդյանը (տե՛ս նշվ. աշխ., էջ 203) և նրա հետևողյալը նաև Լ. Բարսեղյանը (տե՛ս նշվ. աշխ., էջ 188) թյուրիմացաբար կարծում են, թե Քեյ-Կուբադի հորեղբորորդին տիրել էր Կարինին Ջալալ ադ-Դինի աջակցությամբ: Իրականում Կարինը Ռուքն ադ-Դինին էր անցել հորից՝ Տուղրիլ-շահից, որի Կարինի տիրակալ լինելը երկիցս արձանագրում է հենց Հ. Մանանդյանը (տե՛ս նշվ. աշխ., էջ 148, 197):

67 Թյուրքական անանուն հեղինակի տվյալներով, Խլաթի (ըստ Իբն Բիբի, նաև Վանա լճի մերձակա տարածքի), հարբերդի, Բալուի գրավումը տեղի է ունեցել 1232 թ. (տե՛ս Ե. Մեցբեղլու, ԴՅԵ ԶԵՅԻ ԵՄԵ ԴԵ-ԴԵ ԴԵՅԵԶԵԴԵՍ ՆԱԺԻԴԵԶԵԴԵԶԻ ԼԱՄԻՐԵԶԻ ՄԵՆԵԶԵԶ, «ԺԵԶԵ» (ԵՍԵ. Ն.), 1975, № I, ԶԵ. 105). Ստեփանոս Օրբելյանը Խլաթի գրավումը դնում է 1233 թ. («Մանր ժամանակագրություններ», հ. 1, էջ 41), Համաձայն Իբն Բիբի, էյուբյանները 1233 թ. միացյալ արշավանք են ձեռնարկել Խլաթը վերագրադնելու նպատակով, սակայն հաջողություն չեն ունեցել (տե՛ս Ե. Մեցբեղլու, նշվ. աշխ.) էջ 105: «Արաբական աղբյուրները Հայաստանի և հարևան երկրների մասին», էջ 235: Ս ա մ վ ե լ Ա ն ե ց ի, էջ 149, տողատակ): Հետևաբար, այն կարծիքը, թե մոնղոլները Բալուի գլխավորությամբ իրենց արշավանքի ժամանակ գրավել են Խլաթը «վերջ տալով էյուբյանների տիրապետությանը Հարավային Հայաստանում» (տե՛ս «Հայ ժողովրդի պատմություն», հ. III, էջ 612), իրականությանը չի համապատասխանում:

68 Sht. Ե. Մեցբեղլու, նշվ. աշխ., էջ 99—104:

69 Պատահական չէ, որ 1239 թ. նրանց հաջողվեց գրավել նաև Կարսը (տե՛ս «Մանր ժամանակագրություններ», հ. 1, էջ 41):

քում սելջուկների ձեռքը անցան հարբերդը (1232/1233 թթ.), Ուտհան, հառանը, Սևերակը (1235 թ.): Ամիդը (1241 թ.)⁷⁰:

XIII դարի սկզբին Հայրավային Հայաստանում այնքան հզոր էյուբյանների թուլացումից մասամբ միայն կարողացան օգտվել Զաքարյանների, տրոնցից Շահնշահը 1235 թ. գրավեց Սուրմարին⁷¹: Զաքարյանները, հատկապես Վահրամյան և Ավագյան տները, ի վիճակի չեղան հանուն իրենց նպատակների ծառայեցնել Ելտկուզյանների աթաբեկության վերացումը, քանի որ վերջիններիս պատկանող տարածքը ընդունեց մոնղոլների գերիշխանությունը և սկսեց հարկ վճարել նրանց⁷²: Միակ հաջողությունը այս ուղղությամբ Վահրամ Գազեցու կողմից Շամքորի վերագրավումն էր⁷³: Այսպիսով, XIII դարի 30-ական թթ. Անդրկովկասում հաստատված նոր քաղաքական կացությամբ պետք է բացատրել այն փրոդուկտները, որ, ընայած Վրաստանի նախկին հզոր հակառակորդ Ելտկուզյանների ու էյուբյանների իշխանության վերացմանը, Հայաստանի աղաքագրության գործում մոնղոլական նվաճման նախօրեին միայն աննշան հաջողություններ ձեռք բերվեցին:

Գիտական գրականության մեջ առայժմ լուսաբանվել են այն պատճառները, որոնք պայմանավորեցին Ջալալ ադ-Դինի պարտությունը, սակայն անհամեմատ սակավ ուշադրություն է դարձվել խնդիրը հակառակ առումով պարզաբանելու վրա: Լիովին օրինաչափ է նաև այն հարցադրումը, թե ինչու վրացական թագավորությունը անզոր դտնվեց սեփական ուժերով վանելու թշնամուն, չկարողացավ արժանի դիմադրություն ցույց տալ նրան: Թվում է, այդ հարցի բանալին պետք է փնտրել ներքաղաքական կացության մեջ: Այդ կացության բարդությունը, երկրի պաշտպանունակության հնարավորությունները պարզ են դառնում, երբ վերհիշում ենք խորեզմշահի դեմ ծավալված պայքարի հիմնական դրվագները: Գառնիի ճակատամարտից՝ Կետո, երբ խորեզմշահը վերադարձավ Թավրիզ, Հայաստանում և Վրաստանում մնացած նրա բանակի աջ թևի ամիրսներին որևէ դիմադրություն ցույց չտրվեց, և նրանք երեք ամիս անպատիժ ասպատակություններ էին գործում: Կասկած չի կարող լինել, որ միայն մի քանի իշխանական տների միացյալ զորամասերը կարող էին հաղթանակ տանել անջատ-անջատ գործող հրոսակախմբերի դեմ: Սակայն այդպիսի հակահարվածի փորձ չարվեց, որը վկայում է ոչ միայն թագավորական իշխանության անկարողության, այլև առանձին երկրամասերի իշխողների միջև անհամաձայնության և անհամերաշխության մասին: 1225 թ. վերջից սկսած մինչև 1226 թ. մարտը, մինչ Ջալալ ադ-Դինը շարժվում էր Թբիլիսիի վրա, թշնամուն գրեթե դիմադրություն ցույց չտրվեց: Ակադ. Ջավախիշվիլին իրավացի է, նշելով ամիրսպասալարի գործունեության դրեթե ան-

⁷⁰ Տե՛ս Ե. Թեյքեզյան: նշվ. աշխ., էջ 105: «Մանր ժամանակագրություններ», հ. 1, էջ 41: Սամվել Անեցի, էջ 150:

⁷¹ Տե՛ս «Մանր ժամանակագրություններ», հ. 1, էջ 41, հմմտ. Կիրակոս Գանձակեցի, էջ 260: Հավանաբար, այդ ժամանակ են գրավվել նաև Կաղզվանը և Վաղարշակերտը (տե՛ս Ստեփանոս Օրբելյան, էջ 391—392, հմմտ. «Վրաց ժամանակագրություն», էջ 91):

⁷² Տե՛ս Ибн ал-Асир, стр. 176:

⁷³ Տե՛ս Կիրակոս Գանձակեցի, էջ 242, հմմտ. Ա. Շահնազարյան, նշվ. աշխ., էջ 62:

Եկատերի լինելը այդ ճակատագրական պահերին⁷⁴, սակայն այդ աչքի ընկնող երևույթը չի փորձում կապել Գառնիում իրենց ղեկավարել տված ներդաստակարգային պայքարի և միջավատատիրական անհամաձայնությունների հետ: 1225—1226 թթ. դեպքերի միասնական քննությունը, սակայն, ակնհայտ է դարձնում, թե ինչքան խորն էր ներքաղաքական ճգնաժամը, և Գառնիի իրադարձությունները այդ ետնախորքի վրա ամենևին էլ արտասովոր չեն թվում: Ինչպես 1227—1228 թթ., երբ տուգվել նպատակովոր պայմաններ ստեղծվեցին խորհրդակցություններին արտաքսելու համար, բնավ չէր դիտվում այն ուժը, որը պետք է միավորեր զինված պայքարը թշնամու դեմ: Ավելին, նույն այդ ժամանակ խորհրդակցի վեպի Շարաֆ ալ-Մուլքը պաշարեց և հարկադրեց փրկադին մոծել խաչանի իշխան Հասան-Ջալալին⁷⁵, իսկ վերջինիս ազգական և գերակա Զաքարյանները օգնության փորձ իսկ չձեռնարկեցին: Բնորոշ է հայկական երկրամասերից Կապանի ճակատագիրը այդ տարիներին: Այստեղի բերդերին, ինչպես պատմում է Խն-Նասալին, տիրացել էին առանձին ամիրաներ, որոնց հնազանդության բերեց Ջալալ ադ-Դինից անկախ գործող Ուղբեկի նախկին մամլուկ Բուգդայը⁷⁶: Սակայն տեղական հայ իշխանները անկարող էին եղել պայքարել անգամ այդ ինքնակույր դեմ: 1230—1231 թթ. ևս, երբ Կապանում ապաստան գտավ Ջալալ ադ-Դինը, այստեղի բերդերին, հավանաբար, տիրում էին խորհրդակցությունները, այլապես խորհրդակցող ղեկավար թեյանկանար ապաստան գտնել բացարձակ թշնամական միջավայրում:

Հայ և վրացի իշխանների գործողություններում խորհրդակցի արշավանքների ամբողջ ընթացքում ի հայտ էր գալիս ևս մեկ ուշադրավ երևույթ, որի կործանարար հետևանքները լիովին երևան էին դալու ընդամենը մեկ տասնամյակ անց: Փակվելով իրենց ամրոցներում, նրանք գերադասում էին համաձայնության գալ Ջալալ ադ-Դինի հետ և փրկագին վճարելով ապահովել իրենց հանգստությունը: Թագավորական իշխանության տեսանկյունից իշխանների նման քայլերը հավասար էին դավաճանության, սակայն Ռուսուդան թագուհին այլևս ի վիճակի չէր պատժելու «անհավատարիմ» ստորականներին: Ինչպես երևում է, այդ «անհավատարիմները» նաև անհնազանդություն էին դրսևորում, շմանակեցնելով թագուհու ռազմական գործողություններին, ուստի Մինգոթի ճակատամարտում Գառնիի համեմատությամբ բավականին մեծ թիվ էին կազմում վարձկանները: Օրինաչափ է թվում, որ անգամ այդ ճանապարհով Ռուսուդանին չհաջողվեց այնքան զուրբ հավաքել, որքան գումարվել էր Գառնիում ընդամենը չորս տարի առաջ: Մինգոթի պարտությունը ավելի էր թուլացրել թագավորական իշխանության դիրքերը, այլապես ղեկավար է բացատրել թագուհու կողմից իր անչափահաս որդուն՝ ապսղա Դավիթ Նարինին թագադրելը 1230 թ.: Բնութագրական է, որ այդ իրադարձությանը շմանակեցին Արևելյան Վրաստանի և Հյուսիսային Հայաստանի իշխանները, և թեև վրաց ժամանակագիրը փորձում է հավատացնել, որ նրանք բոլորն էլ հնազանդ էին մնում Ռուսուդանին, այդ հավաստիացումը ավելի է խորացնում

⁷⁴ Տե՛ս օգ. Ջօզօնօթցօլ, նշվ. աշխ., էջ 326:

⁷⁵ Տե՛ս ան-Կասան, Եր. 211:

⁷⁶ Տե՛ս նույն տեղում, էջ 212—213:

կասկածները⁷⁷։ Խորեզմշինների արշավանքների միջոցին սրված ներքաղաքական ճգնաժամն էր, որ կրկին ասպարեղ հանեց Գեորգի Կաշայի որդի Դավթի՝ դաժի նկատմամբ ունեցած իրավունքների հարցը⁷⁸։

Թագավորական իշխանության դիրքերի թուլացման պայմաններում անջատողական ձգտումները իրենց երկար սպասեցնել չպետք է տային, ընդ որում ամենահարմար առիթը լինելու էին արտաքին քաղաքական իրադարձությունները։ Այն փաստը, որ հայ և վրացի իշխանները XIII դարի 30-ական թթ. հանձնում էին իրենց բերդերը, բնավ չմտահոգվելով թաղուհուց թուլվելու թյուն ստանալու մասին, իսկ որոշ դեպքերում էլ դործարքի մեջ էին մտնում մոնղոլների հետ՝ հարևանների հաշվին իրենց տիրույթները ընդարձակելու համար, իր բացատրությունն է դնում վրացական թագավորության ներքին դարգացման ընթացքով։ Ջալալ ադ-Դինի արշավանքները, խորացնելով ներքաղաքական ճգնաժամը, նշանակալիորեն նպաստեցին տնտեսական և սոցիալական առումներով նախապատրաստված անջատողական միտումների հանդես գալուն։ Դառնիի ճակատամարտից ընդամենը մեկ տասնամյակ անց՝ 1236 թ., Ռուսուդան թագուհին այլևս չէր էլ կարող երազել մոնղոլների դեմ 60 հազարանոց բանակ հանելու մասին, կենտրոնական իշխանությունը նույնիսկ ի վրձակի չեղավ թշնամուն կազմակերպված դիմադրություն ցույց տալու։

Այսպիսով, Ջալալ ադ-Դինի արշավանքները ոչ միայն թուլացրեցին վրացական թագավորությունը տնտեսական ու ռազմական առումներով, այլև ադրեղելով սոցիալական տեղաշարժերի ընթացքի վրա՝ որոշ չափով պայմանավորեցին մոնղոլներին ցույց տրված այդքան թույլ դիմադրությունը Հայաստանում և Վրաստանում։ Այս էր խորեզմշահի արշավանքների ամենակարևոր հետևանքը։

К ИСТОРИИ НАШЕСТВИЙ ДЖАЛАЛ АД-ДИНА НА АРМЕНИЮ И ГРУЗИЮ

Кандидат историч. наук А. Г. МАРГАРЯН

(Резюме)

В статье на основе армянских и грузинских первоисточников, с учетом свидетельств арабских и персидских авторов Ибн ал-Асира, ан-Насави, ал-Багдади, Джувеини, Рашид ад-Дина уточняется хронология нашествий Джалаал ад-Дина, маршруты передвижения хорезмийцев, освещается борьба армянского и грузинского народов против захватчиков. Особое место уделено выяснению причин поражения грузинского царства в борьбе с Джалаал ад-Дином, оценке внутривосточной ситуации в Закавказье и обстановки на Ближнем Востоке в 30-е годы XIII в., не позволивших продолжить начатое было освобождение армянских земель от чужеземцев.

⁷⁷ Տե՛ս «Վրաց ժամանակագրություն», էջ 68. հմմտ. Պ. Մուրադյան, Հայաստանի վրացերեն արձանագրությունները, Երևան, 1977, էջ 155։

⁷⁸ Տե՛ս նույն տեղում, էջ 154—156։ Վ. Վ. Բախտիշվիլ, ლაშა გიორგის შემკვიდრის სა-ჯთხისათვის, „მაცნე“ (სსრკ. ს.), 1975, № 4, გვ. 102—106.